



**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760


II. De divisionibus juris ecclesiastici.

[urn:nbn:de:hbz:466:1-67899](#)

16 PARS I. Cap.II. *de divisionibus*

in conci-
lio Tri-
dentino

matio concilii Tridentini, quo damnantur corrigunturque sequiorum sacerdorum abusus plerique; dispensationes autem & privilegia constringuntur, ac insulæ episcopales exaltantur. Renovatio antiquorum canonum sanctissimorum hujus concilii scopus & labor fuit. Ejus decreta circa doctrinas in Francia ultro recepta fuere, veluti ex concilio Oecumenico profecta; sed quæ ad *disciplinam* spectant, usque ad hoc tempus, Cleri Francici intensa flagitatione posthabita, non attenduntur. Non quod ea non satis pura censeretur, quippe maximam partem statuto ordinum Blesensi inserta; sed quod reformatæ religioni addictis civibus, multisque catholicis, præsertim magistratibus, aliquid dandum esset, qui in iis plurima nostris libertatibus inimica deprehendebant. Atque haec sunt origines, progressus & reliqua fata juris Ecclesiastici inde ab Ecclesiæ incunabulis usque ad haec tempora.



C A P . I I .

D E D I V I S I O N I B U S J U R I S E C C L E S I A S T I C I .

I.

Divi-
mo-
nes juris
canonici,
quod est,

UNIVERSUM jus Ecclesiasticum dividitur in jus *divinum* & *humanum*; in jus *naturale* & *positivum*.¹ Jus *naturale* est lumen rationis de eo, quod Deo debemus & hominibus. Hoc etiam est jus *divinum*, quia Deus est auctor naturæ, & rectæ rationis regula

gula ejus est æterna sapientia. Jus *divinum positivum* est, quod Deo placuit hominibus præscribere, sive rationem ejus revelaverit, sive minus. Continetur autem scriptura veteris & novi Testamenti, & per traditionem Ecclesiæ explicatur². Hujus juris major pars revera est jus naturale quod Deus tempore Mosis populo suo in scriptis commendavit, quoniam in hominum mentibus exoleverat³.

1) *Dift. 1. c. 1. §. 7.*

2) *Dift. 11. c. 5. ex Basilio de Sp. S. c. 27.*

3) *Chrys. homil. 1. in Matth.*

II. DECALOGUS est juris hujus naturalis compendium, omniaque veteris Testamenti precepta moralia sunt ejus explicationes. Evidem plures iis mistæ sunt leges ceremoniales, quarum nonnullis Judæi procul superstitione vicinarum gentium habebantur; nonnullarum autem rationem ignoramus. Illud tamen in universum constat, necessarias eas fuisse ad continendum populum illum indolem & rebus externis addictissimum in officio, in iisque latuisse figuræ rerum novi Testamenti¹. Quare postquam Jesus Christus venisset, ut veritatem nos aperte doceret, figuræ evanuerunt, cærimoniæque cessarunt. Ille enim legem Dei reddidit absolutam, cunctaque reduxit ad *jus naturale* & ad *primævam institutionem*².

1) *Matth. V. 17.* 2) *Dift. 5. pr. §. 6. f. dift. 7. pr.*

III. UNDE patet, jus *divinum naturale* esse immutabile, quoniam idea rationis *naturale*

B

18 PARS I. Cap. II. de divisionibus

æque omnis variationis expers est, ac ipse Deus, in quo solo ea æternum subsistit. Sed jus divinum positivum mutabile est, conformatum quippe utilitati hominum in certo statu viventium. Ejus itaque durationem non nisi Deo revelante novimus, ejus auctore. Ille vero declaravit, fore, ut vetus fœdus novo tollatur¹; sed Christus nullibi dixit, ante suum ultimum adventum quidquam mutatum iri.

1) *Jer. XXXI. 31. August. de Spir. & lit. c. 19.*

partim
buma-
num,

IV. Jus humanum est multo mutabilius, non solum pro necessitatibus, quibus mederi cupimus, diversitate; sed etiam quod procedente tempore comperimus, optimis remediis nos usos non fuisse. Hoc jus humanum positivum, si scriptis conceptum, vocatur *constitutio*; si non scriptum, *consuetudo*¹. Sic *constitutionum* nomine veniunt omnes *canones conciliorum*, decreta pontificum & Episcoporum, regulæ monachorum, cæteræque leges Ecclesiasticæ omnes, sive generales sint, sive particulares. Quod autem præterea consensu tacito soloque usu receptum invaluit, *consuetudo* adpellatur. Observanda autem non nisi *consuetudo laudabilis*, h. e. quæ non in *sancções juris divini* & in *constitutiones universales* impingit.

1) *Dist. I. c. 3. 4. 5. dist. 3.*

quod va-
rium, eo
pertinent
canones
concilio-
rum,

V. Jus divinum omnes æque fideles obligat¹. Jus humanum latius vel angustius patet pro auctoritate conditoris, ac consensu eorum, qui id admiserunt. *Conciliorum acu-*

menicoram canones ubique sunt observandi, exceptis locis, qui, quod a labe disciplinæ intacti mansere, iis non indigent, vel contraria utuntur consuetudine, quæ sine majori malo abrogari nequit, ac juri divino non repugnat. Conciliorum particularium canones & Episcoporum decreta regulariter extra provinciam vel diœcésin non pretendunt obligationem; sed saepe fit, ut aliæ Ecclesiæ sua sponte iis se subjicient, quo pacto fieri possunt regulæ universales. Est enim totum illud regimen Ecclesiasticum lene & caritate temperatum, alteraque Ecclesia alterius leges, sibi utiles, volens lubensque amplectitur. Vicissim ægre non fertur, si qua Ecclesia privatis suis institutis utitur, si forte non sine discrimine ad legem communem reduci posse videatur. Sola fidei doctrina & juris divini leges per omnia sunt uniformes.

1) *Dist. 9. f. & 10. pr.*

VI. JAM utut Ecclesia semper novas qui proleges condere possit; ea tamen potestas non est *arbitraria*, neque homines ea pro suo affectu ac lubitu abuti queunt. Concilia enim particularia tum demum canones conceperunt, quando certis depravationibus medendum erat. Generalia autem extra ordinem convenere, ac plerumque paucos canones prodidere. Propterea Ecclesia Romana per decem priora saecula nullos canones sanxit, & decretales, illo spatio a Pontificibus scriptæ fuere ad Episcopos alios, ut eos canonum docerent argumenta & inculcarent observantiam. Ipsi patres, qui sive in conciliis, sive per peculia-

B 2

prie leges
non sunt.

20 PARS I. Cap. II. de divisionibus

res constitutiones canones fecerunt, eo ipso Christianis non voluere novas leges imponere, sed tantum *legem Dei & traditiones apostolicas explicare*, repressis aberrationibus, quas gliscere animadvertebant¹. Hinc pontificum constitutiones & conciliorum decreta citationibus scatent, & concilii Tridentini prope verba singula ex scriptura, canonibus & patrum scriptis hausta sunt.

1) Athanas. ep. ad orihod.

Verum
princi-
pium ca-
nonum
sacra scri-
ptura,

VII. SACRA igitur scriptura maxime omnibus Christianis habenda est lex palmaria, quam pastores veluti normam actionum suarum sequi debent. Qui ei multum operæ dederit, inveniet regulas, ex quibus facile dijudicabit casus particulares. Atque hoc modo sacra scriptura usi sunt Cyprianus, Augustinus, Gregorius M. ac reliqui Patres. Maximusque horum scriptorum usus est, ex iis percipere, quantum in scriptura lateat, quodque nostram effugeret diligentiam, qui tanto studio eam non meditati sumus.

cum pla-
citis con-
cil. uni-
versa-
lium.

VIII. POST scripturam maximæ auctoritatis sunt placita conciliorum universalium & particularium, ab universa Ecclesia recepta¹. Jesus enim Christus pollicitus est, quoties discipuli in suo nomine congregati fuerint, etiamsi non plures duobus vel tribus, se fore in medio eorum². Jam si cujusque patris magna in se sit auctoritas, quid? si plures eorum in nomine Dei, implorato Spiritus Sancti auxilio, ad salutem Ecclesiae, quæ ipsis regen-

da tradita est, congregati ³ fuerint? Hujus- & consti-
modi conventus major certe auctoritas erit, <sup>tutioni
bus pon-
tificum,</sup>
quam patrum singulorum, vel ad populum
verba facientium, vel caussas dubias respon-
dentium. Pontificum constitutiones legum
quoque numero sunt habendæ universalium,
quatenus vel ab Episcopis in suis diœcésibus
publicatæ, vel longo usu receptæ. Generatim
autem observare non tenemur leges scriptas,
quæ in usum deductas non fuisse constat.

1) *Can. Calch. I. dist. 15. c. 3. §. 2.*

2) *Matib. XVIII. 20.*

3) *Conc. Calch. ep. ad Leon. aet. 3.*

4) *Cœlest. ep. 4. ad Conc. Ephes.*

IX. VICISSIM magna vis est consue- & con-
tudinis, & magna in utramque partem, si lau-
dabilis, si longo usu, si pastorum Ecclesiæ con-
sensu, vel saltem iis scientibus, invaluit; ut
ipsam canonum observantiam excuset. Sunt
enim canones, qui a piissimis hominibus im-
pune negliguntur, licet nullibi legariatur re-
vocati, v. gr. de baptismo extra casum necessi-
tatis non nisi tempore paschali & pentecostali
administrando; de precibus die solis ad Deum
non e geniculo fundendis, &c. ¹. Quin con-
suetudinis tanta vis fuit, ut lex in novo Testa-
mento disertis verbis concepta ², pluribusque
constitutionibus Ecclesiasticis confirmata, *de*
non edendo sanguine & suffocato, per eam tolle-
retur. Neque tamen propterea existimandu-
m, justum esse, quidquid vulgo fieri vide-
mus. Ecclesia enim fere semper magno abu-
su numero onerata fuit, quos spe meliorum
temporum toleravit, ingemuitque. Horum

B 3

loco habendum quidquid legibus ultimo scriptis repugnat, nisi forte conforme sit antiquioribus institutis, quæ nonnullibi servata sunt. Maxima autem vis consuetudinis cernitur in ritibus, hoc est, in ratione precum publicarum, in administratione sacramentorum, observatione feriarum, jejuniorum &c. Quum enim christiana religio de interioribus mentis humanæ sollicita sit; in exterioribus magna semper Christianorum libertas fuit³. Tuttissimum est, ut suum quæque morem sequatur Ecclesia, nisi quid habeat, quod doctrinæ universalis Ecclesiae repugnet. Ut autem adpareat, quæ leges, quæve consuetudines in usu sint; videndum, quæ perpetuæ decretorum normæ fuerint.

1) *Can. Nic. 20.* 2) *Aet. XV. 29.*

3) *August. ep. 36. ad Cœfus. ep. 55. ad Jan. n. 34.*

non opie-
niones
docto-
rum.

X. INTER cæteras corruptorum morum & depravatæ disciplinæ causias sequioribus temporibus hæc fuit, quod *opiniones doctorum* pro legibus arreptæ fuerint. Quod tum demum factum, quum Episcopi desinerent docere populum & conventus agitare. Ex hoc neglectu regnum *opinionum*; ex opinionum diversitate *justi* ignorantia; ex ignorantia *justi lubricum* morum natum est, quum scelestissimus quisque haberet doctorem in promtu, affectui suo obsecundantem, nec fere quemquam nosset, cui satis esset animi pro veritate. Ipsæ academiæ & religiosorum hominum ordines vitia hæc promoverunt, quum Episcopi ex horum gremio seligerent, quos consiliis suis ad-

hiberent. Facile unius monachi doctrina universo ordini, & unius doctoris academicī sententia universo collegio imputatur. Interim ipsa collegiorum decreta non sunt nisi consultationes prudentum; quæ utut multum momenti habeant, legum tamen vi destituuntur, quippe profectæ ab hominibus, qui jurisdictione carent. Idem dicendum de congregationibus, novissimis temporibus institutis, quarum consiliis in variis rebus utitur Pontifex.

nec colle-
giorum
decreta,

nec con-
gregatio-
num Ro-
manarum
placita ,

nec privi-
legia.

X I. PRIVILEGIA quoque nutrivent vitia. Sunt autem privilegia certæ leges, ad certam personam vel ad certam universitatem ab observantia juris communis eximendam latæ: cuius generis etiam sunt *dispensationes*¹⁾. Quæ licet salutares esse possint, in universum tamen indoli Evangelii adversantur. Animus demissus non affectat singularia, nisi forte plura pati altiusque descendere opus; & caritas æqualitatis custos est, propriique commodi inimicissima. Ipse Jesus Christus omnibus religionum ceremoniis legibusque patriis semet subjicit. Puris illis temporibus rarissima fuere *privilegia*, postero ævo profusissima. Quotidie obversantur, quorum nulla est ratio; & si qua justa caussa nituntur, ea invidiam, discordiam, legum contemtum alunt. Vilescunt enim leges, simulatque negligi possunt, & qui *dispensationibus* sunt omnium indignissimi, ii ad eas flagitandas sunt omnium promissimi audacissimique .

1) *Dist. 3. c. 3.*